

# KANTIK

## ZANT WELTAS

(Pares Laniskat)

Moulet gand Otreadur an Eskopti

---

WAR TON *Kantik* koz *Laniskat*, PE TON *Kelven*.

DISKAN :

Kristenien an Armorik, ha ni oll Vretonet,  
Meulomp oll a greis kalon hon Patron binniget.  
Meulodi da zant Weltas ken mad evit hon bro,  
He vennoz war hon Pares ha warn-omp tro-war-dro.

1. — Anken, glac'har, melkoni, spont ha tewalijen,  
Setu stad hon tadou koz, arog ar sklerijen, —  
Sklerijen ar Baradoz 'vit hon zilvidigez,  
Hag a diskaei d'an ine hent kaer ar zantelez.
2. — Neuze, skedus 'vel an heol pa bar da c'houlou de,  
Zant Weltas war du hon bro gant prez a direde ;  
Ha dirak han an diaoulou, enn eur grial spontuz,  
A dec'he timad arog an den ken galouduz.
3. — Pur a gorf hag a galon, leun a wir garante,  
Noz-de a pede Doue : james na dihane...  
Noz-de c'hoaz, ha hep paoues, pede he binijen.  
Pebez nerz evit prezeg Lezen ar Gristenien.
4. — Enn Gwened hag enn Kerne, hed a hed da *Flavez*,  
Ped ha ped war he roudou glaske ar zantelez.  
He vurnez hag he gomzou ho douge a vanden  
D'an Envou gand an OElez kreiz ar gloar da viken.

5. — Setu *Komor* 'n he gastel, *Komor-ar Miliget*,  
Muntrer *Triphin* ha *Tremeur*, ouспен meur a dorset.  
Pa zavas ar zant he dorn, *Komor* braz a grene  
Hag he gastel dismantret a bep tu a goueze.
6. — Dreist d'an oll burzudou kaer bet groet gant zant *Weltas*  
Eo zantes *Triphin* maro ha deit d'ar vue c'hoas.  
Evelse re hon *Zalver* gwechall war an douar ;  
Evelse ra kalz a zoent, arog zevel d'ar gloar.
7. — O zant *Weltas*, hon *Patron*, mignon ar *Vretonet*,  
Nhi fell demp hoc'h enori, hag ho karet bepred, —  
Ho karet a wir galon — ha d'ac'h fidel dalc'hmad,  
Nhi fell d'emp mont gant an hent digor dre hoskouervad.
8. — Deut d'hon zikour dre hoc'h nerz, etouez hon trubuilhou ;  
Hon miret, tud ha loened, etouez hon labouriou ;  
Pelleit pell ar c'hlenvejou, peb droug ha peb goalen ;  
Groet ma plijo gand Doue chilaouet hec'h feden !
9. — Mantret bras eo hon c'halon, hag hon speret nec'het,  
O welet an dud fallakr, gand ardou ha pec'het  
O klask koll ar vugale, ha harz ar iaouankis  
Da servich Doue hon Tad, hag hon Mam an Ilis !
10. — Euz lein ho tron lugernuz, groet eur zellik ouzomp :  
Enn draonien-man a daelou, alies a skuizomp !  
Ha, pa deñ tol ar maro, groet ma vimp everuz,  
O nijal d'ar *Barados* gant *Mari* ha *Jezuz* !!

Imprimatur :

Brioci, die 22 Novembris 1900.

A. CHATTON, *can., vic. gen.*

